



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 22. S. Francisci Literæ.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII. *minus virtute humilitatis omne homi-*
A.C. 1219. *num genus vincere.*

§. XXII.

S. Francisci Literæ.

Ceterum Literas testes & commenda-
 titias, de Approbatione sui Instituti
 Franciscus Fratribus proficiscentibus ne-
 cessarias judicavit, & suadente Cardina-
 nale Protectore, Bullam in hunc finem
 ab Honorio Papa die undecima Junii
 anno millesimo ducentesimo decimo
 nono datam obtinuit, ad omnes Episco-
 pos aliosque Præpositos Ecclesiasticos
 directam, in qua Fratres Minores tan-
 quam viros Apostolicos laudat, horta-
 turque, ut eos benigne excipiant. Hæc
 prima omnium Bulla est novi Ordini
 concessa. Capitulo soluto Franciscus,
 Discipulorum suorum præcipuis in di-
 versas provincias, cum delecto sociorum
 numero, missis, sibi ipsi cum duodecim
 aliis prædicationem in Syria & Ægypto
 destinavit. Delegatis vero suis tres Epi-
 stolas tradidit, quarum prima ad Episco-
 pos & Clericos cujuscunque Diocesis,
 secunda ad Rectores, Consules, Magi-
 stratus, tertia ad sui Ordinis Custodes
 directa est, quibus præcipiebat, ut ista-
 rum literarum plura exempla describi
 & distribui curarent. In Epistola ad vi-
 ros Ecclesiasticos hortatur, ut maxima

revera

Sæcul. XIII.

A. C. 1219.

reverentia tractent, Domini Nostri Corpus & Sanguinem, quem aliis Fidelibus administrandi honor ipsis obtingit, caute sanctissimum Mysterium in vasis pretiosis custodiant, & decore, quo opus fuerit, deferant. Vult etiam, ut Verbum & Nomen Dei, ubicunque scripta occurrant, venerentur. Epistolæ ad Magistratus hæc est summa: *Considerate, diem mortis appropinquare. Obsecro, tanta quantam vobis debeo submissione; ne propter hujus mundi curas, quibus occupamini, Dei & mandatorum ejus obliviscamini, nam in Psalmis legimus: Maledicti qui declinant a mandatis tuis, tempore mortis, auferetur ab eis, quidquid habere videbantur, & quo magis sapientes ac potentes in hoc mundo fuerint, eo magis in inferno cruciabuntur. Suadeo igitur; Domini mei, omnibus rebus aliis postpositis, pœnitentiam agite, & Corpus ac Sanguinem Domini Nostri humili corde recipite. Potestatis honorem, quem vobis contulit, Deo redite, quotidie vespere populum moneri jubete, ut Deo gratias dicat. Nisi feceritis, certissime in die Judicii rationem reddere cogemini. Qui scriptum illud domi suæ custodient, & in eo præcepta servabunt, bis benedicet Deus.*

S. Francisco, ad Missionem & iter in provincias Orientis se accingenti, colloquens

Ps. 118.

Sæcul. XIII. quens Cardinalis Hugolinus de Domo
 A.C. 1219. S. Damiani aliisque Virginum monaste-
 riis sui Instituti, jam enim plura conde-
 bantur, mentionem fecit. Cui ille: Si
 Vading. solum illud monasterium excipiam, cui
 1719. n. 43. Clavam inclusi, nullum aliud ego institui,
 aut me auctore ortum est. Nullius al-
 terius familiæ muliebris, inquam, nisi
 illius solius, sive Disciplinam Regularem
 sive corporis sustentationem spectemus,
 curam in me suscepi. Nihil enim mi-
 nus mihi probatur, quam ille Fratrum
 nostrorum impetus, quo Domos puella-
 rum in aliis locis fundarunt, earumque
 regimen capefferunt; istud vero nulla-
 tenus placet, quod eis nomen Sororum Mi-
 norum imposuerint. Ergo instantissime
 Cardinalem rogavit, ut Fratres, quan-
 tum fieri posset, a familiaritate & cura
 Monialium averteret, si eorum fama
 & in virtutibus profectui consultum vel-
 let. Promisit Cardinalis, se rem ad
 Summum Pontificem delaturum. At
 Vir sanctus sæpe, acriter commotus, di-
 cere auditus est: *Timeo, ne dum a vo-
 bis Deus uxores abstulit, Diabolus sorores dederit.*

§. XXIII.

Res Hispanicæ.

Sup. Lib. Inter hæc Honorius Papa animum ad-
 LXXVII. jecerat ad removenda impedimenta,
 §. 10. quæ